

গণপ্রজাতন্ত্রী বাংলাদেশ সরকার  
আইন, বিচার ও সংসদ বিষয়ক মন্ত্রণালয়  
লেজিসলেটিভ ও সংসদ বিষয়ক বিভাগ  
www.legislative.gov.bd

বিষয়: লেজিসলেটিভ ও সংসদ বিষয়ক বিভাগের সেবা প্রদান প্রতিশ্রুতি বাস্তবায়ন কর্মপরিকল্পনা ২০২৩-২০২৪ এর কর্মসম্পাদন সূচক নং ১.২ এর আওতায় সেবা প্রদান বিষয়ে স্টেকহোল্ডারগণের সমন্বয়ে অবহিতকরণ সভার কার্যবিবরণী।

লেজিসলেটিভ ও সংসদ বিষয়ক বিভাগের ২০২৩-২৪ অর্থবছরের সেবা প্রদান প্রতিশ্রুতি বাস্তবায়নের লক্ষ্যে বিগত ০৯-১১-২০২৩ খ্রি. তারিখ বৃহস্পতিবার সকাল ১০.৩০ ঘটিকায় লেজিসলেটিভ ও সংসদ বিষয়ক বিভাগের যুগ্মসচিব ও এপিএ কমিটির টিম প্রধান ড. মোহাম্মদ মহিউদ্দীন এর সভাপতিত্বে স্বাস্থ্যবিধি অনুসরণপূর্বক লেজিসলেটিভ ও সংসদ বিষয়ক বিভাগের সেবা প্রদান বিষয়ে স্টেকহোল্ডারগণের সমন্বয়ে ভার্চুয়ালি একটি সভা অনুষ্ঠিত হয়। সভায় উপস্থিত প্রতিনিধিদের তালিকা পরিশিষ্ট 'ক' তে সংযুক্ত।

২. সভাপতি মহোদয় সভায় উপস্থিত সকলকে স্বাগত জানিয়ে সভার আলোচ্যসূচি অনুযায়ী যাবতীয় বিষয়াদি উপস্থাপন করেন। এ পর্যায়ে তিনি সভাকে জানান যে, লেজিসলেটিভ ও সংসদ বিষয়ক বিভাগের ২০২৩-২৪ অর্থবছরের সেবা প্রদান প্রতিশ্রুতি বাস্তবায়ন কর্মপরিকল্পনা এর সূচক নং ১.২ এ উল্লিখিত সেবা প্রদান প্রতিশ্রুতি বাস্তবায়ন বিষয়ে সেবাগ্রহীতা/অংশীজনদের অবহিতকরণের জন্য এ সভা আহ্বান করা হয়েছে। তিনি সভায় এ বিভাগের সিটিজেনস চার্টার সম্পর্কে বিস্তারিত ধারণা প্রদানের পাশাপাশি এ বিভাগের কার্যপরিধি সম্পর্কেও ধারণা প্রদান করেন। সেবা প্রদান প্রতিশ্রুতি বাস্তবায়ন অনুযায়ী লেজিসলেটিভ ও সংসদ বিষয়ক বিভাগের সেবা ও সাংগঠনিক কাঠামো সম্পর্কে ধারণা দেন। সভাপতি মহোদয় সভায় উপস্থিত কর্মকর্তাদের লেজিসলেটিভ ও সংসদ বিষয়ক বিভাগের সেবা প্রদান সম্পর্কে উপস্থিত প্রতিনিধিগণের অভিমত জানতে চান। পাওয়ার সেল এর পরিচালক জনাব মোঃ সাজিবুল হক জানতে চান যে, BD LAWS ওয়েবসাইটকে অন্যান্য সরকারি প্রতিষ্ঠানের ওয়েবসাইটের সাথে লিংক করে দেয়া যাবে কিনা? এবং বিদ্যুৎ সংশ্লিষ্ট আইনসমূহ একত্রে অনুসন্ধানের জন্য সার্চ বাটনে অপশন রাখা যাবে কিনা? পাওয়ার গ্রিড কোম্পানি অব বাংলাদেশ লি: এর ম্যানেজার জবাব আবু কাওছার হাসান জানতে চান যে, BD LAWS এর ন্যায় BD RULES ওয়েবসাইট করার পরিকল্পনা আছে কিনা? যাতে সকল রুলস এবং উহার সংশোধনী জনগণ সহজে জানতে পারে। সভাপতি মহোদয় উক্ত প্রশ্নসমূহের জবাব দেন এবং সভায় অংশগ্রহণকারী অধিদপ্তরের প্রতিনিধিগণ এ বিভাগের কাজ ও কাজের মান সম্পর্কে সন্তুষ্টি প্রকাশ করেন।

৩. সভায় অংশগ্রহণকারী প্রতিনিধিদের সুপারিশের ভিত্তিতে নিম্নরূপ সিদ্ধান্ত গ্রহণ করা হয়, যথা: -

এ বিভাগের ওয়েবসাইটের বিভিন্ন সেবাবক্সসমূহ নিয়মিতভাবে আইসিটি সেল কর্তৃক হালনাগাদ করতে হবে।

৪. সভায় আর কোন আলোচ্যসূচী না থাকায় সভাপতি মহোদয় সকলকে ধন্যবাদ জানিয়ে সভার সমাপ্তি ঘোষণা করেন।

(ড. মোহাম্মদ মহিউদ্দীন)

যুগ্মসচিব

এবং

টিম প্রধান, এপিএ